

中國方志叢書·華中地方·第一六二號


據

民國·錢祥保等修，桂邦傑纂
民國十五年刊本

影印

江蘇省

續修江都縣志



成文出版社有限公司印行



10106048

中國方志叢書·華中地方·第一六二號

據

民國·錢祥保等修，桂邦傑纂
民國十年刊本


影印

江蘇省

續修江都縣志

(三)

成文出版社有限公司印行



10106049

中國方志叢書·華中地方·第一六二號


據

民國·錢祥保等修，桂邦傑纂
民國十五年刊本

影印

江蘇省

續修江都縣志



成文出版社有限公司印行



中國方志叢書·華中地方·第一六二號


據

民國·錢祥保等修，桂邦傑纂
民國十五年刊本

影印

江蘇省

續修江都縣志



成文出版社有限公司印行



10106050

中華民國六十四年 月臺一版

續修江都縣志

全五冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

鹽法考第五

江都縣續志卷五

兩淮鹽法有運商場商食商之分而食商認岸又有外江內河之別江都者內河食岸之一也通泰各場所產之鹽及北鹽南運者必經縣境運河出江以達於岸運使駐節郡城兼管下河水利特設淮南總局爲承轉之樞紐凡運商之按綱輸課場商之計引領價胥於此以綜其成而地方政務學務善舉諸經費亦靡不於是乎取之故淮南鹽業之盛衰實與揚州關係爲至鉅雖江都食岸祇居淮南之一而商業之興替稅率之重輕售價之貴賤緝私之寬嚴其有關於時局變遷民生日用

者匪細光緒續志備載淮鹽大要而以商利脆薄習俗奢侈爲隱憂蓋確有所見也今距光緒初葉又數十年矣商情凋敝倍甚於前日言增產而修墉之事祇託空言日言疏銷而緝私之設徒糜鉅餉上則以官爲市任流弊之潛滋下則唯利是圖倂成規而莫守加以票額

遞增輪銷停滯

按票運原定循環章程計鄂湘兩岸自同治四年春額行各十二萬引分春秋

兩綱開辦西岸原額十萬引五年署鹽政李鴻章增爲十五萬引分爲年半三綱均以五百引爲一票賣出此檔之鹽始請下檔之票謹謹循運嗣於同治十年曾國藩因順直水災賑捐加鄂湘兩岸各一萬引西岸加二萬引十三年江督李鴻章又奏准一綱之內提前開辦額行平江碱鹽九千九百引撥入正綱之內提前開辦光緒八年鹽政左宗棠批准賀全福等三十四名報効軍餉每票五千兩認運楚引三百票先繳六十萬兩

入現行綱分給運一次又有怡同興等加認平江破鹽
二千引仿照賀全福之案先繳銀八千兩均俟辦運一
次後繳清報効再定循環所有賀全福等新票鄂岸運
過六十匹票湘岸運過十五票共七十九票怡同興請
運平碱二千引經戶部議奏以引地未能全復遽增三
百票恐不能按輪銷竣不若由漸而來新商已繳六十
萬兩應加票六十張合三萬引酌量鄂湘兩岸情形均
勻搭配與舊商一體輪銷其平江新加之二千引亦照
賀全福例補繳三萬二千兩准其循環旋據賀全福等
具稟無力承認願將循環六十票另招致和祥等十五
名頂補原繳之六十萬兩由致和祥等繳由鄂岸督銷
局發還具領其認運平碱之怡同興等亦將票費三萬
二千兩照數補足酌定鄂岸加二萬引湘岸加一萬引
又於湘岸等票內撥出一千引改運平江破鹽計鄂岸
自戊寅秋起每緡額一萬引共額運十五萬引引湘
岸自丁丑春起每緡額五千引又平江每緡額一千
引共額運十五萬四千引西岸共額運十七萬引光緒
二十年署鹽政張之洞又因海防籌餉奏加鄂岸新票
一萬引湘岸九千引二十五年鹽政劉坤一又奏定瀏
陽普加八千引宣統元年鹽政端方因銷數溢於票數

加鄂岸一萬五千引連崇通專岸五千引在內計現額
十七萬五千引共三百五十票又加湖岸三萬五千引
共現額二十萬六千引又湖岸平江專岸另派新舊額
引共三十三票另四百引分春綱十三票秋綱二十票
四百引合一萬六千九百引西岸引額則未有加增皖
岸則歲額原派六百票每票一百引西岸引額則未有
引亦分春秋兩綱辦理運同治七年鹽政曾國藩於六
票內撥出一百票專運北鹽行銷台肥巢縣舒城廬江
無為五岸八年又奉鹽政馬新貽批飭添撥五十票辦
運北鹽分銷桐城一岸十一年鹽政何桂清又准撥添
北鹽五十票綜計每綱額運南鹽二百票北鹽一百票
光緒八年有新商尹厚堃等八名請認縣額四萬二千
八百五十八引每引報効銀二十兩由司發給皖引三百
繳三十萬五千引一次旋奉部議每票飭繳票價四千兩
十七票先運一次當經酌議就已繳之票價四千兩先
准運銷一萬二千引當經酌議就已繳之票價四千兩
千餘兩按全費核計引數仿照鄂湘每引收銀二十八兩
給運一萬七千八百五十八引除零計一百四十八票
與舊商一律環運南鹽四百四十八票北鹽自己卯春
四票兩綱共運南鹽四百四十八票北鹽自己卯春綱

起每綱加額五十票兩綱共運三百票後於光緒二十年又經鹽政張之洞飭加南北額票一萬二千引計現行額銷十萬一千七百六十引共八百四十八票以四百九十八票運南鹽三百五十票環運北鹽此各岸陸續加增票額大略也其滁來全及建昌等岸係官運北鹽歲銷額引詳鹽法志大捐迭派竭厥輸將自光緒十年起部派邊防一百萬兩鄭工六十萬兩壽山一百萬兩新海慶典四十萬兩海防一百萬兩兼值海勢東遷新防一百萬兩昭信股票一百萬兩灘接漲西水下注涵氣益衰於是埤灶荒收數絀而場商病浮費多成本重而運商病釐課增中飽巨而國家亦病甚至有票者不能自運惟按綱以出租有垣者無力開收託鄰垣而代額而內河食岸之引地距各場較近遂隱受私鹽之害額引虛懸故承辦江甘五岸之食

商五岸者合甘泉高郵寶應卽此數十年中前躡後仆

者不知凡幾光宣之際南鹽益缺竟至產不敷銷勢不

得不借運山東長蘆之鹽配銷淮鄂西皖四岸

光緒三十四年

七月鹽政端方奏云竊維東南財賦之源首推鹽務而
引地行銷之廣莫如淮南通泰二十場現在產鹽實數
每歲約三十六萬餘引近年湘鄂兩省及本省食
鹽銷數歲約五十萬引以外以產計銷不敷鹽約十數
萬引前署督臣周馥任內曾據升任運司恩銘詳稱
場歲增產額十萬引乃兩年以來缺產如故蓋各場既
未增灶又未修埽是空有增產之名并無收鹽之實奴
才前年九月到任後卽飭運司趕緊設法上年岸銷暢
旺需鹽至殷而丙午丁未兩年又值雨水爲災產收益
絀不得已借運長蘆山東鹽各五萬引舊濟急需曾據
運司詳經奏明在案一面遴委熟悉鹽務之署江甯府
知府許星璧於本年春間馳往淮南北各場詳細考查
認真整頓嗣據該員查明各場產鹽情形并擬議整頓
辦法稟經飭司核議詳請奏咨前來查淮南煮海成鹽

攤灰淋瀝則有埤有池置鑿煎鹽則有灶有舍從前產
多銷少壅滯爲憂於是司鹽政者限制埤灶以爲禁私
政策因此場商安於苟且凡屬荒廢埤灶棄置不修遷
延至今一遇歉產暢銷遂中其病爲今之計首宜清查
埤灶其荒廢者修之距海遠者移之并將埤灶池舍酌
令劃一形式通飭改良所謂工欲善其事必先利其器
此整頓埤灶者一也場灶地方向有草蕩專產一種紅
白芒草含有鹹質以供煎淋此實天地自然之利故舊
制按埤配蕩蓄草供煎私墾售炊均干例禁誠以草爲
煎鹽根本也自海勢東遷以後昔日斥鹵之地大半去
海已遠其間經官勘明放墾者所在固有而民間影射
私墾者亦多又或割積分承展轉割售此有埤而無蕩
彼有蕩而無埤埤蕩兩不相資於是草愈少而價愈貴
此於鹽務最有關繫現宜清理草蕩查照定章按埤指
蕩配合均勻其有新淤場分亦即查明飭商認領視草
蕩之多寡定埤灶之增移并嚴禁私墾私售及附近場
灶之燒窑燒鍋浴煎之計莫要於斯此整頓草蕩者一
也各場境內有串場河又有引潮溝不獨旱潦可資蓄
淺即運鹽亦便交通所以治鹽者必先講求水利查各
場溝河大半淤阻是以前年雨水爲患經數月而不消

去年適氣衰引蠟湖而無自現飭各場將淤塞溝河逐細查量趁本年冬令潮枯水涸責令一律挑修其通海口門尤宜疏濬務使潮流四達涵旺鹽豐雖遇旱潦不足爲患此整頓水利者一也產鹽之區素多私梟出沒則緝私必應加嚴前據運司詳請就隄緝私固爲正本清源之計惟淮南通泰二十場綿亘數百里其間通海處所如門龍新洋射陽諸港口尤爲私鹽去路現飭運司察度形勢添募勇丁配置槍划扼要駐紮歸分司場官節制調遣無事則勤加梭緝有私則立往捕拿此整頓緝私者一也以上四端皆場灶應辦之事卽就場布置緝私所需經費亦應由場白籌無如場商資本多不充裕灶丁困苦已達極點近年草貴食昂灶丁益本重錢賤場商愈難訪察情形均係屬實若再責以籌備鉅資舉辦各事勢必無此力量縱勞文告無補毫釐今爲增產裕收之謀須從培養商灶入手計惟有酌加岸價以遞加牌價桶價之一法前准度支部電咨普加鹽價每斤四文抵補藥稅當經奴才以江南各頂要政需用浩繁請於部加四文之外再加每斤二文并聲明淮南整頓產收矜恤商灶亦須酌加岸價由電奏陳在案奴才通盤計畫猶恐所加太多或有窒礙復又督同

籌議再行核減擬自本年九月初一日起通飭各岸凡
售淮南真正梁鹽每斤加價三文頂梁和碱每斤加價
二文按照各場成本分別酌加場商牌價即於所加牌
價之內按真正梁鹽每引扣存錢四百五十文頂梁和
鹽及廟灣場鹽每引扣存錢三百文以充各場新案緝
私經費其餘發商承領真正梁鹽場分收鹽一桶加桶
價二百文頂梁和鹽及廟灣場分收鹽一桶加桶價一
百二十文專為恤濟灶丁除所加桶價外以一半津貼
場商成本以一半賣令場商趕辦移修亭灶開濬溝河
等事如比年三三各岸岸價加之食戶以每人日食鹽
三錢計之為數甚屬有限而在運商則毫無出入在場
商灶丁則復益良多一切應辦之事均得同時并舉尅
日觀成庶幾原有產額冀可保存如一二年後商灶煎
丁元氣得以漸復溝河亭灶修改亦已完全再行體察
情形隨時將所加之價奏明酌予停減此就淮南地勢
竭力經營辦理果能得宜但所增亦不過五六萬引比
較各岸現時銷數仍苦不敷查淮北中正場境內五圖
河東灘地方有斥鹵淤灘可以增鋪新池業經奴才飭
司委員查明招商前往開築據報已於春間興工逐段
趨趕總期增鋪新池歲可產鹽十萬引為率即以之誓

濟南銷藉補南額不足之數惟以北濟南究屬一時權宜之計如他日淮南場鹽有增加確數仍將新池額引移歸淮北以清界限奴才綜持鹽政責有攸歸當此鹽務極困之秋若不及早圖維寢至挽回無策則上何以對君父下何以對商民況鹽務歲入課釐數百萬金卽江南庶政所需亦強半取給於此尤於大局翳繫綦重現籌整頓各節均係目前迫不容緩之圖合無仰懇天恩俯准飭部立案施行鹽務幸甚大局幸甚是年七月十四日奉硃批度支部知道欽此

淮商同德昌

即今之大德

以南鹽日紬按

照廟灣場商同福昌成案在淮北葦蕩左營南汛地方

五圖河及潮河東西兩岸稟請集股鋪池揚漣試曬以

濟南銷稟云查淮北葦蕩左營南汛地方五圖河及潮

八九月間在該處揚漣試曬朝暴烈日暮卽成鹽色白

粒大與淮南真梁無異且廟灣商人同福昌去歲業已

稟請興辦曬鹽在先商擬援照該商成案擇於葦蕩左

營南汛五圖河東西兩岸新漲荒灘集股開鋪十六圩

先行築圩四條每圩約鋪池百餘面來歲小滿之前一
律築成以應淮南春銷之急此外如探有漶氣較厚之
區宜鋪置池面者再當隨時稟陳如蒙俯准俟奉鈞批
後商即備資前往興工庶早一日出產即早一日濟銷
似於岸銷商業兩有裨益至商所曬之鹽既為接濟南
鹽銷市現在自應附入南鹽真梁一輪無須賸陳即使
他日南鹽豐足亦願永隨南鹽輪銷萬一將來南鹽當
實在擁擠或非併入北鹽正綱不可屆時再候示遵
經鹽政端方檄委汪詠沂招商趕辦於本年二月間呈
報據商人同德昌稟請援照南鹽辦場商同福昌成案在
葦蕩左營創辦曬鹽仿照南鹽辦理以濟南銷等情即
經照准飭即趕速興工俾於小滿稟報工竣以期無誤
產收批司轉飭遵照并迭據汪道詠沂來轅面稟集股
鋪池陳明同德昌係由該道招商倡辦當經本部堂面
諭趕辦並因與鋪濟南新池事屬創始猶恐該處僻在
海隅為梟匪出沒之區人情刁悍該道辦事呼應不靈
特委該道巡防營務處差使以資鎮懾嗣於五月間據
運司轉據該商同德昌稟稱於二月上旬奉批前往即
於三月初九日開工刻下一圩已將告成指日見鹽其

餘各圩雖已開工而泥工灘工爲三月十五日潮水漲漫以致遲延約計時日非秋末冬初不能歲事可否准予緩辦抑或至少築若干圩等語經司批駁仍飭趕緊興鋪轉稟到本部堂又經批示各在案查遲年淮南產不敷銷各岸催運之文急如星火以北濟南實爲刻不容緩之圖該商同德昌既經稟准在葦蕩左營開銷濟南圩池即應趕緊興工趁小滿鋪曬以冀多收粒鹽運濟南銷方爲正辦乃一再延宕至三月初間始報開工復稱泥工灘工爲潮水漲漫如果該商及早築圩開溝何致泥灘各工尙爲漸次鋪築歲事何以自五月初該商稟之十六圩自己漸次鋪築歲事何以自五月初該商一稟之後該商迄無一字續報汪道旣以自五月初在淮海一帶熟悉北鹽情形非他人生手可比是以本部堂據該道面稟立准照辦并委以重差以爲該道專待新把掘初不料其觀望一至於斯本年岸銷尤暢專待新鋪池引嶺北濟南本部堂早經奏咨有案該道旣爲招商同德昌倡辦之人即應負其責任除行運司外合亟札飭札到該道即便遵照迅將同德昌新鋪圩池查照原稟十六圩之數一律鋪築完竣限於十月以前稟請派員勘驗以便冬令拿足寒潮來年產收不致再誤并